

docriver 文川网
古籍书城
入驻商家
在文川网搜索古籍书城 获取更多电子书

臺灣省通志

臺灣省通志

卷一 土地志
動物篇

東文圖書公司印行

張炳楠 監修

陳兼善 原修

李汝和 主修

莊金德 整修

臺灣省通誌

臺灣省文獻委員會編



docsriver 文川网
入驻商家 古籍书城

在文川网搜索古籍书城 获取更多电子书

臺灣省通志卷一 土地志動物篇

第一章 緒論

第一節 早期之文獻記錄

有關本省動物之記載，在我國早期之文獻中，當以「隋書」爲最早；據該書東夷列傳「流末國傳」云：

「(臺灣)有熊、熊、豺狼；尤多豬、鷄；無牛、羊、驢、馬。」

其後，各種文獻，多作此同樣之記載，其文字雖有繁簡之別，然皆本自隋書「流末國傳」者，其甚爲明顯。

迨至元代，汪大淵「島夷誌略」

是書成於元至九年
(公元一三三九年)

澎湖條，則記云：

「(澎湖人)煮海爲鹽，釀秫爲酒，採魚、蝦、螺、蛤以佐食，燕牛糞以糞，魚膏爲油。……山羊之孳生，數萬爲羣，家以烙毛刻角爲記，晝夜不收，各遂其生育。」

又其「琉球」條記臺灣之特產云：

「地產……黃蠟、鹿、豹、麝皮。」

汪氏於其書之後序中曾自敘「不載傳聞之事」，是則該文所記皆彼身歷目擊之實錄也。

降至明代萬曆間，曾隨軍東征至臺灣之閩人陳第，於其所著之「東番記」見錄於「閩中，則海峽已內」，則更有較詳之報導：

「(東番)……畜有猫、有狗、有豕、有鷄，無馬、驢、牛、羊、鵝、鴨。獸有虎、有熊、有豹、有鹿。鳥有雉、有鴉、有鳩、有雀。山最宜鹿，健健俟俟，千百為羣。人精用鏢；鏢竹、鏢鐵，長五尺有咫，銛甚；出入自隨，試鹿鹿斃，試虎虎斃。居常禁，不許私捕鹿。冬，鹿羣出，則約百十人即之，窮追既及，合圍衷之，鏢發命中，獲若丘陵，社社無不飽鹿者。取其餘肉，離而臘之；鹿舌、鹿鞭原註：鹿陽也、鹿筋亦臘；鹿皮、鹿角委積充棟。鹿子善擾訓之，與人相狎。習篤嗜鹿，剖其腸中新咽草將糞未糞者，名百草膏，旨食之不饜。」

按：是記作於萬曆三十一年公元一六〇三年，為目前發現有關本省之最早具體紀錄張燮之「東西洋考」雖為同時之作，然無疑多係錄自是記，所

記實不遜於現代人類學家之調查報告。蓋以文中所謂「人與事」者，莫不詳記而見述之也。然間亦有未審之處；如臺灣本有野牛、山馬，而文中言無之。關於牛之記錄，荷據時期即已屢見不鮮。陳小丘「外紀」云：「荷蘭時，南北二路牛頭司，牧野生息，千百成羣。積大，設欄撲擊之。牡則俟殺，乃漸制水草；稍馴狎，聞其外野令壯，以餅以飽。特者縱之羣生。」又黃叔獻「采海使持錄」記云：「臺灣多野牛，千百成羣；欲取之，先設木坡四面，一面為門，驅之急，則皆入；入則局圍而斃之；然後徐施繩約，殺之獨以，與家牛無異矣。」關於馬亦記有云：「馬小而力弱，異於內地；內山有山馬。」

又臺灣本無虎，而文中言有之。凡此，或係作者戎帆倏憶，未及詳審所致也。關於臺灣野生鹿之記載，在早期之中西文獻中，更是屢見不鮮。荷人甚至將臺灣產之大宗鹿皮，作為對外貿易主要貨物之一。嗣因土著及外人之濫捕，恐有絕種之虞，乃加以限制。據荷蘭

東印度公司「巴達維亞城日記」公元一六四五年三月十一日明熹宗隆武元年，清順治二年二月十日條云：

「因二十年來，每年捕獲五萬、七萬、乃至十萬頭，所以顯然減少；僅有少數空地尚有生存。」

是故卡倫

按即荷蘭臺灣長官
Francois Caron

君以爲：倘不採用打臘二年，即停止一年，則將全滅。」

據省文獻館印行中譯
本第二册頁四五五

由此可見，早年本省產鹿之多。

以上所引，皆爲清代以前之文獻；其對於本省產動物之記錄，究屬零星不全，未能窺其全貌。

對於本省動物作專項而有系統性之記載者，實始於清代初期康熙三十三年臺灣府知府高拱乾所纂輯之「臺灣府志」。其後，重修、續修之「府志」以及「諸羅縣志」、「鳳山縣志」、「臺灣縣志」乃至於「彰化縣志」、「淡水廳志」、「噶瑪蘭廳志」、「澎湖廳志」等，亦均闕有專篇記述；然各志所載，因體例關係，詳略不一，互有短長。約而言之，當以清末光緒二十一年公元一八九五年纂修之「臺灣通志」爲最具備。茲摘數志所載者引錄於後，以見其梗概。

壹、「高志」所載之動物紀錄

據康熙三十三年

公元一六九四年

高拱乾纂輯之「臺灣府志」

該志爲清代首
修志書之嚆矢

卷七風土志土產篇中，記載有與

動物有關之資料，計有畜之屬、羽之屬、毛之屬、鱗之屬、介之屬及蟲之屬等六大類。茲引錄於左：

畜之屬

牛：深山中多野牛，教而馴習，可用以耕田、駕車；犬：產之番社者，能捕鹿，名田犬；如獫狫驕之類；猪、羊、猫、雞、鵝、鴨。

羽之屬

鵝鶻：人家畜之，能知往還。鵝鶻：水鳥，行則搖，飛則鳴。雉：野雞。烏鴉：有反哺之義。燕：秋去春來。鳩：能知陰晴。白鷺：一名屬玉。畫眉：善鳴好鬥，其聲清圓可聽。鷓鴣：端午斷舌，養之，能識人言。布穀：春作方殷，人以爲耕農之候。鳧：水鴨也。雀：一名生寶；謂栖宿人家如賓客也。鷓：水鳥。釣黑翁：嘗宿水道，伺魚而食之。伯勞：不孝鳥。鶯：一名倉庚，又名黃鸝。鷓：大如鷹，蒼黑色，善擊魚雁。鷹、烏鬚：俗呼烏秋；身黑、尾長，能搏鷹鷂。白頭翁：似雀而大，頭有白點，故名。海雞母：黑背、白翼，宿海中。竹雞、虞雞。

毛之屬

金錢豹：似豹而小。麋鹿：大白麋，小曰鹿。麋：似鹿而小，無角。麋：即麋。麋：似鹿而大。兔、猪母熊、猴、山猪、獺。

鱗之屬

海翁：極大，能吞舟。鯉、鯽、泥鰱魚：形類鱈而大；無鱗，味甚甘。烏魚：其子晒乾，可羅嘉珍。鯊魚：大者百餘觔。鰻鮫：有黑、白二種，形闊而扁者佳。鮓魚、魴魚、海鱧：大者數觔。烏耳鱧：鯽仔潭最多。紅紗魚：皮紅。敏魚：口闊，內粗。烏類、麻虱目：倏而大，倏而無，其味最佳。貼沙魚：身薄扁，行貼沙。金鐘仔、銀魚、龍鮎、鸚哥魚：嘴如鸚鵡，而皮綠色。油魚：一名泥黃。鰻魚、鰻魚：俗呼鰻鱧。鱸魚：有紅、黑二種。獅刀：形似大刀

，味清，多骨。鰻魚、花鈴、金錢魚、斗尾魚、狗母魚、鐵甲魚：鱗硬如甲。鯨魚：形扁，尾長。鱧魚：大者如掌，皮粗，剝而晒乾，味佳。鱸魚、青鱗、飼子飯：無細骨，可和飯以飼幼子。鱖魚：俗呼鮭魚。鮓魚：瀨口出者佳。鱮魚、鱮魚、梭魚、水尖、遍身苦、白腹、紅鰓、黃梔米：蝦小而色紅。大脚蝦、章魚、石拒：八足，在石夾中，或取之，能以石拒人。烏賊：八脚，一名墨魚；或曰：秦始皇東遊，棄墨袋於海所化；故口猶吐墨水。銷管：一名靜班。

介之屬

龜：生於池塘、埤圳之間甚多；海中又有一種，其大數尺。鼈：一名圓魚，一名甲魚。鱉：海中甲蟲也；雖常負雄，雖波濤不改。漁人每雙得之。蟹、蟬、牡蠣：麗海石而生，即蟻也；其殼燒則成灰。蚶、蛤、蚌：老者能含珠。空豸、紅粟、土杯：即紅蟻也。蟻、仙人掌：形似龜脚，生於海石夾縫處。大螺：其殼琢而磨之，可作鸚鵡杯。碑礫：其殼可磨作珠。紅螺、香螺、麥螺、珠螺、虎螺、海膽：殼圓，烏而多刺，似荔枝殼，可作杯。鮫鯉。

蟲之屬

沙蠶此海蟲也：形似蠶，而肚中有沙。水蛙、青約、水龜：有翼，色黑，俗呼龍風。蜂：有數種；識君臣之義。螺贏：一名蠟蟻，似蜂，腰小而長；捷土作房，取桑蠶置於空中視之，七日即化為己子。蝶、蝙蝠：肉翅，晝伏夜飛，食蜜黃；一名伏翼，一名天鼠。蟬：以脇鳴；一種些小而好鳴秋，曰絡緯。蜻蜓：飲露，多集水上款飛。蛾：一名慕光；好撲燈火。蜉蝣：朝生暮死。螢：一名夜光，一名宵燭。蠅、螳螂：能捕蟬，又名天馬。螽斯螽：一生九十九子，俗呼草

馬。蟋蟀：一名莎雞，又名促織。螟蛉桑蟲；螺贏負以爲子。「詩」云：「螟蛉有子，螺贏負之」。蛇、蜈蚣、蠅虎、蜘蛛：大腹者，名蠪蛸；小而長脚者，又名喜子。蜥蜴：一名守宮，漢武帝午日取以丹砂和脂飼之，身畫赤；至次年五日搗之，以塗宮人。有私者，其迹即消；故名曰守宮。又有一種，名曰蠪蛸。蚤、蠹魚蝨也。古詩云：「芸葉焚香走蠹魚」。蟻、蚯蚓。

以上「高志」所記，雖稍嫌簡略，惟在清代初期，疆土初闢，一切事物，均在草創階段，纂輯志書者對於自然界之知識，必畢竟有限，而能有如是之紀錄問世，已屬難得矣。

貳、「余志」所載之動物紀錄

嗣後，陳夢林纂修之「諸羅縣志」成稿於康熙五十六年，陳文達纂輯之「鳳山縣志」修於康熙五十八年，「臺灣縣志」

康熙五十九年修，王必昌重修之「臺灣縣志」乾隆七年修，以及周元文、劉良璧、范咸等重修之「臺灣府志」

周志修於康熙四十九年，劉志修於乾隆五年，范志修於乾隆十一年等，皆立有志篇，專事記錄。而以稍後余文儀之「續修臺灣府志」纂修於乾隆二十五年

年至二十七年間爲較詳備。據「余志」卷十七物產（二），列有鳥獸、蟲魚二篇。茲引錄於左：

鳥 獸

鳶、鵠、鷓、鶻、雉、烏、燕、鳩即斑鳩也。與內地異；色青黑者曰斑鳩甲，項下赤色者曰火鳩。又有一種身綠，嘴足皆紅者，曰金鳩；惟淡水出。鷲、畫眉；與內地等；但眉無白者。

鸚鵡即八哥，布穀、鳧、鷓、海鷄母：黑色，脚綠，比鷓較大，宿海嶼中；故名。骨髓而味甚美。

鶻、鶻、翡翠：俗名釣魚翁，嘗宿水道，伺魚而食之。白鶻，長尾三娘；鶻之屬。色青，光彩

照人。一名練省。烏鷲：身黑、尾長，較小於鷹、鷂、鷹諸惡鳥。伯勞也、黃鸝、鷹、鷂、鷓鴣、鶻、雀、白頭翁、海鵝：俗名南風鷄，又名布袋鷄；常於海濱獵魚。翎可爲箭羽。草雀：似雀而小，紫色；唧唧善吟。置籠中，能自來去。白鳩：每當五更則鳴，或謂之知更鳥。竹雞、鷓、鷓鴣「通志」謂之鷓鴣。「爾雅」：「鷓鴣，其鷓鴣。」一名鷓鴣，一名巧婦。土音「出草」，聞其聲則返。鬼車：俗名九頭鳥。彩囊以下六種，「舊志」未載；今補入，詳見「附考」。五鳴鷄、雷舞、番草、鷓鴣、倒挂。自內地來。——以上羽之屬。

附考

長尾三娘；朱喙、翠翼、褐背，彩耀相間；尾長盈尺，臺人因而名之。生於諸羅深山中，罕有見者。臺海采風圖

白鳩：每當風雨，舞翅盤旋；霜衣雪襟，可爲近玩。或呼爲洋鷓，云自咬嚙吧來者。初開臺時，一雙不下

二十金；近飼養將雛者多，價不及十分之一。使橙錄。白鳩，能知氣候，每交一時，即連鳴數聲。臺海志略。

綠鳩：紺嘴、碧毛，艶深鷓鴣。惟不善鳴，遜白鳩。同。

海八哥：黑身、紅頂、綠足，一名田雞。

烏鬚：鷓鳥也；能搏擊羽族。尾長黑色，時集於田間牛背上。使橙錄。

烏鷲：似八哥，而通體皆黑，喙如錐，尾長；飛最疾。鳴如高鷲，善作百鳥聲；夜則隨更遞喚。能搏鷹鷂

，遇諸惡鳥飛空中，則竄啄其胸脇；鷹鷂飛較遲，爪不能及，負痛飛鳴而去。宿處，惡鳥不敢近。臺海采風圖。

彩囊：似雞而小，頂上有五彩囊。使橙錄。

五鳴雞：大如鷓鴣，頂白，角漏下一鼓，則一鳴上。

雷舞，名鳥；蒼赤色，聞雷則舞上同。

白八哥：白晝眉，亦未見。或云：鹽水港統領埤加冬樹大數圍，其上每年生白八哥；相近民伺其將雛，攔而飼之。上同。

番華：形似燕，背淡黑色，腹下色黃，尾長；飛則鳴，行則搖，類鶉鴝。諸羅縣志。

鶉鴝：俗呼食蛇鳥，狀似鶉略小而短尾，周身毛羽淡紅色。專食蛇虺，知探蛇穴，以嘴啄洞口令自出；或

口啣而飛空中，頭尾皆動。淡海采風圖。

倒掛鳥：似鶉鴝而小，翎羽鮮明，紅綠相間；緣枝循行。喙如鉤，足短爪長。性好倒掛，夜睡亦然。種出

東洋呂宋。上同。

牛：水牛自內地來，研蔗煮糖。黃牛近山多有，取而馴習之，用以耕田、駕車。馬從內地來。近亦有牝而生者。狗、猪、羊、猫、雞、鵝、鴨、番鴨：似鴨而大，毛有小朵，嘴脚朱色。肉粗味減。來自外洋。番猪：毛黃色。

——以上畜之屬。

附考

臺灣多野牛，千百爲羣。欲取之，先置木城四面，一面開門，驅之急，則皆入。入則扇閉而餓餓之，然後

徐施羈約，象之獨豆；與家牛無異矣。臺海采風圖。

馬：小而力弱，異於內地；內山有山馬。上同。

水沙連：紅頭嶼出黃羊，有鬻其皮以爲褥者。上同。

番鴨：大如鴝，足微細；兩頰紅如雞冠，雄者色更赤。畜之常飛去。人每載入內地，然穉穉嗟嗟，無足充

玩。上同。

艾葉豹：臺產者，稍大於犬而無害於人。或名之曰獐虎。熊、麋、鹿、麂、麝、麝：似而大。兔、猴、山豬、獺、山羊；能陟峻，生深山中。皮堪作鞋，鼠、野豬；牙利如鎌。

——以上毛之屬。

附 考

臺山無虎，故鹿最繁。昔年近山皆爲土番鹿場，今則漢人墾種，極目良田，遂多於內山捕獵。角尾單弱，絕不似關東之濯濯；角百對，只可煎膠二十餘斤。鹿雖多，街市求一鬮不得。冬春時，社番截成方塊，重可斤餘，皆用鹽漬；運致府治，色黑味變，不堪下箸，而值亦不輕。使樣。

鹿以角紀年，凡角一岐爲一年，猶馬之紀歲以齒也。番人世世射鹿爲生，未見七岐以上者。向謂鹿仙獸，多壽；又謂五百歲而白，千歲而元，特妄言耳。竹塹番射得小鹿，通體純白，角纔兩岐；要不過偶然毛色之異耳，書固未足盡信也。鹿生三歲始角；角生一歲解，猶人之毀齒也。解後再角，即終身不復解；每歲止增一岐耳。脾梅紀遊。

牝鹿以四月乳，未乳極肥。腹中胎鹿，皮毛鮮澤，文彩可愛。又牝鹿既乳，視小鹿長，則避之他山，慮小鹿之淫也。獸之不亂倫者惟鹿與馬；牡馬誤蒸則自死；牝鹿自遠以避之。上。

熊之類不一；有豬熊、狗熊、馬熊、人熊之異，各肖其形。諸熊毛勁如鬣，又厚密，矢鏃不能入。蹄有利爪，能緣木升高，踰於樹巔；或穴地而處。人以計取之，無生致者。腹中多脂，可啖。掌爲八珍之一，膾炙人口；然不易熟。庖丁取其汁烹他物爲羹，助其鮮美；一掌可供數十烹。若爲屠門之嚼，貽笑知味矣。上。

山豬：蓋野彘也。兩耳與尾略小，毛鬣蒼色稍別。大者如牛，巨牙出唇外，擊木可斷。力能拒虎；怒則以牙傷人，輒折脅穿腹。行疾如風，獵者不敢射。又有豪豬，別是一種；箭如蠟毛，行則有聲；雖能射人，不出尋丈外。上。

福州東島，視澎湖為近；內惟產鹿千百羣。島人捕得，取其腸胃連糞食之，以為至美。其全體，則棄之福州人。今所繫鹿脯、鹿筋，皆東島物也。玉堂書記。

山鼠：土人捕獲，以蔗梗填腹，去毛炙黃，合猪肉煮食。使差錄。

山猫：取其毛以束筆，微短而軟。鄉間亦有捕蟬，紙裹煨熟以下酒者。同上。

蟲 魚

蜂、蟻：盈几案間皆是。有赤色而極小者，為高絲蟻；色黑而走疾者，為走馬蟻，色白而生於濕處者，曰白蟻。凡衣服、器物近濕處，多為所壞。蟬、蝴蝶、蝙蝠、蝦蟇、蟋蟀、蜘蛛、蜥蜴：似蛇，身扁，四足；長五、六寸。「說文」：『在草曰蜥蜴，在壁曰蝦蟇，守宮也』。臺之的蠅能鳴，其聲嘎嘎；或謂過澎湖則不鳴。蜻蜓：至冬猶羣飛。螢、蚤、蠶斯、螳螂、螟蛉、蝶贏、蠅虎、蜈蚣、蛇：臺產有數種，一名山獺，長六、七尺，專捕鼠；一名草花仔，長一、二尺，俱不傷人。一名龜殼花，背有文如龜紋。一名飯匙倩，頭扁如飯匙，見人頭昂二、三尺，惟尾貼地，噴鼻有聲。一名青竹絲，長一、二尺，色青如竹，故名。三者嗜人，最毒。蜂虎：狀似燈蛾而大。水蛭即媽蟻也。內山最多。蠅、蚊、螞蟥：臺多藏樹中。「淳志」謂之蝟虫。煎食解毒最神。蛾、蠶、龜雞、蜚蠊、毛虫、蚯蚓、蜒蚰、蛙：土人帶皮食之。——以上蟲之屬。

附 考

癩箕甲，蛇之最毒者。大者數尺，身有橫紋，黑白相間；俗名手巾蛇。甲有毒汁，經行處，草木皆萎，牛馬不食。噉人，數十步立死。其骨必搗爛遠擲之，誤踐亦能刺足殺人。閩地多有。臺灣省志

北路有巨蛇，可以吞鹿，名鈎蛇；能以尾取物。孫元衡有「巨蛇吞鹿歌」云：「一鳥三千糜鹿場，蛙涎出谷如牛羊。臺山不生白額虎，族類無憂牙爪傷。野有修蛇大如斗，颺颺草木腥風走。氣騰火燄噴高雲，八尺斑龍入巨口。九岐獠角橫其喉，昂霄下咽膏涎流。猝著駭獸不相賊，犇竄林莽爭逃鈎。我聞巴蛇吞象不煩酸，三歲化骨何陰狡！爾鹿爾鹿甚微細，此蛇得之應未飽」赤嵌集。

余始來此，坐簷下，有聲如雀，卻不見有飛鳥；後乃知爲蜥蜴鳴也。林僉事麟燭「使琉球竹枝詞」：「靜聽簷窗蜥蜴聲」；其自注云：「蜥蜴能鳴，聲如麻雀」。海外蜥蜴，俱能鳴耳。赤嵌筆談。

海舟夜眠，潛伏船內，尙喜無蚊。臺地四時皆受其害，更有不見不聞而爲所刺，愈抓搔則愈癢。「閩小紀」云：「閩地有小虫若微塵，視之不見，刺人較蚊蚋尤甚，密惟亦不能問之；名「沒子」」同上。

四時堵砌聒聲鳴不絕，蟬於二月即噪樹間。聽虫鳴以占候，未可與此地律也。同上。
蜈蚣腹下有光，夜間青熒閃爍如螢，毒氣如硫磺；以足踏之，光燿燿不絕。同上。

蜥蜴，俗呼四脚蛇。四足各有爪，長尺餘，黑脊，左右皆黃絛繞之。能浮水。口毒而不螫人；若捕急，則噙人立斃。每當雨多、霧濛之後，橫路暴日；故一名塗釘云。臺海采風圖。

青竹鏢，蛇類；一名百步劍，一名青柏絲。長尺餘，深綠色；纏樹抄，與葉無別。有絲如蛛網，人誤觸之則飛噉，其疾如鏢。遭其噉者，行百步則僵。同上。

鯉、塗魷：形類馬鮫而大，重者二十餘斤。無鱗，味甚美。自十月至清明多有。烏魚。各港俱有。每冬至前至大海散子，味極甘；後引子歸原港，曰回頭烏，則瘦而味劣矣。子成片下鹽曬乾，味更佳。過冬，則罕見。卽「本草」之鱈魚也。鰻、馬鮫：骨軟無鱗。魴、鮎、鰻、扁魚：形似貼沙而薄。曬乾，味香美；鮮食亦佳。一名塗刺。白帶魚無鱗之鱈、午魚鱈之別種、鱸、鮓魚即鮓。狀似鱸而大。肉粗，重至二十餘斤、鯽魚、貼沙：上紫、下白，有細鱗。即比目魚、銀魚、鱈

魚即、虎魚：狀如虎頭，巨口、無鱗，長不盈尺。肉嫩而美。黃魚、魴魚：形圓如扇，無鱗，

色紫黑；口在腹中，尾長於身。有黃紅、燕紅；黃魴大而肉粗，燕紅小而肉潤、泥鰕俗謂之、金

魚、門魚：狀如指，長二、三寸。有花文，紅綠相間；尾鮮紅，有黃點。善鬥。泉人呼爲丁斑

。此與金魚祇供玩賞。麻虱目：魚塢中所產，夏、秋盛出。狀類鱗，鱗細；臺以爲貴品。鮓魚

：生海島泥塗中。其大如指，善跳，故名。俗名花鮓，以身有白花點也。獅刀：腹背如刀，故

名。多刺。鳥類身短、墨魚即烏。常噴墨於波以衛身，大魚不得近。中有骨如小舟，名海鯧。鎖

管：身圓直如鎖管。首有小骨，插入管中如鎖鬚。味甘脆。鯊：有白沙、胡沙、雙鬚沙。其

最佳者，皮上有黑白圈文，曰龍文沙；其翅尤美。沙梭：長五、六寸，狀如織梭。海翁即海、

大能吞舟。黑如牛，背浮於水面，則大風將作。魴、鱈魚可鱈、青鱗：色青，鱗厚；長五、六

寸。紅沙：皮紅如塗硃，鱗細。金鐘仔、花身體有、蛤蜊：尾有星。多穴於塗泥中。鮑魚：色

青，體圓而短。味極腥。鐵甲魚：鱗硬如甲；去其皮，方可食。遍身苦；身有花點。塗鰕：似

鱗而身短，多涎難握。塗虱：頭扁，身微圓，黑色，長五、六寸。產圳潭窟中。狗母魚：長

尺餘，有細刺。魚之粗劣者。獨魚：大者如掌，皮粗，晒乾，可磨木器。金錢：狀如花鈴，而

體薄多刺。花鈴：斑點如花。鱸魚：溪澗中魚之最惡者。引子遊水，衆魚不敢犯。鱸魚、鮓

一名水母、一名石鏡、鱧魚、章魚：即韓昌黎所謂「章舉」。其身圓，其首八脚縮聚；當中有口，脚上有

窩如臼，歷歷成章。囊中有黑膏及黃膏。行則手足向下、身向上高舉而疾遊。產澎湖。蜆魚：

狀如烏蠅而大，肉亦厚；味甘美出澎湖。沙蠶：一名龍腸。生海泊泥塗中。形似蠶，中有沙，

故名。味甚鮮美，曬乾焙食最佳。鱸魚一名鱸魚飼子飯：無細骨，可和飯以飼幼子。鶯哥魚：狀如

鯉而潤，色綠。嘴尖而勾曲，似鶯哥嘴，故名。產澎湖。龍尖：口尖而身豐，味甘而脆美。出

澎湖，多曬作乾。三牙魚：有赤、白二色。黃翅：狀似鳥類。肉細而味清。以其翅黃，故名。

下淡水有重一、二斤者。黃爵：身薄而小，多刺。「潭郡志」以為黃雀所化。新婦啼以下三十種，見「附考」

飛藉、金精、三牙、田鴿、梳齒、小波浪、歸秉、赤海、刮額、鱸魚、牛尾、泥龍、

青箭、交網、牛牯缺、金梭、竹梭、飛鳥、咬網狗、海蠟、含西、刺圭楸、安米、旗魚、海和

尙、海狗、海龍、海馬、

——以上鱗之屬。

附 考

鯨類不一，龍文鯨、雙鬚鯨，「志」言之矣。外此，有烏翅鯨，身圓，翅尾黑色。鏢仔鯨，齒長似鏢

。烏鯨，口闊，大者數百斤，能食人。虎鯨，頭斑如虎；齒迅利，噬人手足立斷。圓頭鯨，亦食人。鼠鯨

鯨，皮白，齒如梳。蛤婆鯨，口闊，尾尖。油鯨，身圓而長，尾似蝦尾。泥鯨鯨，口尖。青鯨，身青色。

扁鯨，身扁，尾小。乞食鯨，皮可飾刀鞘。狗纏鯨，身長，尾尖。狗鯨，頭大，上有烏赤點；離水終日不

死赤鯨。鯨魚：胎生。市得一魚可四、五斤，用作午飲；庖人剖腹，一小魚從中躍出，更得五、六頭。投水中，皆

遊去詳見。

魴：有鍋魴，身圓有花點，大者三、四百斤；皮生沙石，尾長數尺，骨弱肉粗。黃魴，身圓，黃色。泥魴

，皮黑。掃帚魴，尾如帚。烏燕魴，頭、身、翅俱似燕，肉黑。四開魴，頭似燕，肉赤。鬼角燕魴，

頭有軟角。水沉魴，淡紅色，身扁，頭尖上。

docsriver 文川网
入驻商家 古籍书城

在文川网搜索古籍书城 获取更多电子书

新婦啼：魚名。狀本鮮肥，熟則拳縮；意取「新婦未諳，恐被姑責」也。孫元衡有詩云：「泔魚未學易牙方，軟玉銷爲水碧漿；廚下却嫌三日婦，羹湯難與小姑嘗」赤族集。

飛藉魚：疑是沙燕所化，兩翼尙存。漁人俟夜深時懸燈以待，乃結陣飛入。舟力不勝，滅燈以避。孫元衡有詩云：「入海微禽能變化，秋來巢燕已爲魚；飄飛應悔留雙翅，誤學燈蛾赴火漁」同上。

鸚哥魚：鳥嘴，紅色；週身皆綠。孫元衡有詩云：「朱施鳥嘴翠成橋，陸困樊籠水厄眾；信是知名無繼法，曾聞眞臘有浮胡。」相傳眞臘有魚，名爲浮胡；嘴似鸚鵡同上。

海翁魚：有言如小山，草木生之，樵者誤登其背，須臾轉徙，不知所之；此無可考。「志」云：「後墮番社有脊骨一節，高可五、六尺，兩人合抱，未滿其圍。漁人云：大者約三、四千斤，小者亦千餘斤，皮生沙石，刀箭不入。有自僵者，人從口中入，割取其油以代膏火。肉粗，不可食。口中噴涎，常自爲吞吐。有遺於海邊者，黑色、青黃色不等；或云即龍涎。番每取之以賈利，眞贗亦莫辨也」赤族集。

金精魚：花點細鱗。三牙魚，或赤、或白，有三齒。田鴿魚，體圓，兩鬚長。梳齒魚，黑色、花點，齒如梳；魚肚食之，立死赤族集談。

泥鱸魚：黑色、口闊；大者五、六十斤。珠鱸魚，黑色，身有紅白點。小鱸魚，黑色同上。

小波浪魚：青身小尾。鯨魚，身扁、肉澁。赤海魚，紅色。劊額魚，金鱗；頭內有石子一枚。鯧魚，口邊有兩大刺。牛尾魚，狀似牛尾。泥龍魚，身長，有暗刺。青籬魚，色青、口尖，行如箭。交網魚，色有黑、赤二種。牛牯魚，頭闊、皮青。金梭魚，金鱗，身硬。竹梭魚，口尖、身長。飛鳥魚，色青，有翅能飛。咬網狗，黑色，歪口無分左右。海鱗魚，頭大、皮黑。含西魚，身扁、色白。刺圭梭魚，色黑、唇厚。安米魚，細鱗；有赤、有白同上。

旗魚：色黑；大者六、七百斤，小者百餘斤。背翅如旗。鼻頭一刺長二、三尺，極堅利；水面瞰魚如飛。船爲所刺，即不能脫；身一轉動，船立沉同上。

蝦魚：俗呼海豎。頭似豬，大者千餘斤，小者亦五、六百斤。常於水面躍起，高丈餘；噴水如雪。漁人見之則避上。

海和尚：色赤；頭與身皆似人形，四翅，無鱗。海狗，頭似狗；尾尖，四翅。海馬，狀似馬，頸有鬃，亦四翅。漁人網獲，均以爲不祥。

海龍：產澎湖澳。冬日，雙躍海灘；漁人獲之，號爲珍物。首尾似龍，無牙爪；長不徑尺。以之入藥，功倍海馬。

龍、龜、鼈、蟹：殼黑色，甚堅，可作杓；尾長如鎗。有足十二，生在腹下。雄小、雌大

，置之水中，雄者浮、雌者沉。雌常負雄而行，雖波濤，終不解。失雄則不能獨活，故號爲媚

。漁人拾之必得雙。腹中有子如粟大，醃以爲醬，甚佳。鮫鯉一名穿山甲、螺：有香螺、花螺、響螺

、肉螺數種。香螺長數寸，肉雪白而尾有膏，味最清甘，品之上也。花螺圓而小，殼薄有斑點，

味亦清美。響螺大者長滿尺，類於香螺，其殼可吹，軍中用之。肉螺大五、六寸，味苦；切其

殼，可作鸚鵡杯。蟹：臺產皆出於海，獨諸羅生溪澗中。蟹生毛，名曰毛蟹；秋後甚肥美。海

中則有沙纖蟹，色黃，遍身有刺，遇人即伏沙底。有沙馬蟹，色赤，走甚疾。有大脚仙蟹，身

小，一螯大、一螯小，色赤白相雜。有虎獅蟹，遍身紅點。有青蟹蟹，青白色，兩螯獨大。有

金錢蟹，身扁，色赤黑；此種，醃食甚佳。蟳：膏多於肉，曰紅蟳；無膏，曰菜蟳。大者長尺

餘，隨大潮退殼，一退一長；其殼最堅。生海邊泥塗中。蟹無毛，故異於蟹。牡蠣：鹹水結成

塊礮，相連如房，故曰蠣房；俗呼爲蠔。小者名珠蠔，最佳；散生海中，用長竹如剪，鈎諸海

底取之。殼可燒灰。蚶蚌蛤之屬：殼圓而厚，形如瓦筒；縱橫其理。蠍：形似蟹。但殼有斑點，其

蝚甚銳。花蛤：蛤有三種，皆生於海。螭：蛤之大者，殼厚微黃，肉白多漿。一名車螯。蛤蜊、水

龜一名海龜。醃食甚佳。海豆芽：似蜆而大，形扁殼綠；吐尾如豆芽，故名。一名海蚌。珠螺：似花螺而小

，殼堅硬。螺嘴有皮，厚而圓，如半面珠，故名。澎湖所產，惟醃食為佳。蚌、白蠔：臺原無蠔

，康熙五十九年，始有生於海泊泥塗中。形與內地蠔無異；但殼差薄，色白如玉，肉尤清甘。

四、五月時有之。西施舌：殼綠黑色，似蚌而薄。其肉有舌，最美；海錯之珍，次於江瑤柱。

但臺所出，不宜多食。海蜇：臺地所產，瘦小不堪食。蠓以下俱見「附考」、龍蝦、海蒜、寄居蟲、鬼

蟹。

——以上介之屬。

附考

蟹：養生毛者；無毛者為蟬。有翠蟹，蔚然深藍，大不盈掌。巨者蓋六、七寸，殼有斑文，呼曰青脚蟻。

孫元衡有「翠蟹」詩云：嗜蟹何當只自謀，難憑此味悅監州；雙螯獨把尖洲翠，呂亢圖中未解收」

（亦嵌）

虎鱗：質粗味劣，無足取。殼極類門戶上所繪虎頭，色亦殷紅斑駁；人有鑿為酒器者。冬來生子，充盈臍

外（聞小）

蟻：龜屬，卵生。狀如鼈，四足漫胡，無指爪。大者百餘斤，小者數十斤。常從海岸赴山凹鑽孔伏卵。

人伺其來時，尾而逐之；行甚疾，衆併力反其背，則不能動矣。剝割時，兩目淚下。嗜者謂味同牛肉

，值亦相等。甲可亂瑤瑁，亦以飾物；但薄而色淺，不任作器。市販鹿膠，每以其板殼與鹿角骨同煎

。南路龜壁港，以此名；今寫訛。劉欣期「交州記」作「蚶蟹」（亦嵌）。

文蛤：味極鮮美。往年絕少，惟癸卯春、夏，魚市不絕。「西漢叢話」：「蛤蜊、文蛤，皆一潮生一帶。

「博物志」云：「東海有蛤，鳥常食之。殼在海岸，潮水往來錯薄，潔白如雪；入藥最精。」往在大邊僧寺，見海邊蛤殼各種奇異，有鏡爲擲取者^上。

龍蝦：昂首奮角，如畫龍狀。甲硬如解殼，殼長二尺餘，鉗六、七寸，上有芒刺。尾下子葉相屬。又有

九節蝦^上。

海蒜：一名湖腎。殼類蛤；肉垂三寸餘，白色。上有黑點，形狀甚劣。食之多患腹瀉^上。

「南州異物志」：「寄居之虫如螺而有脚，形如蜘蛛。本無殼，八空螺殼中，戴以行。觸之，縮足如螺閉

戶。火炙之，乃出走」；「異苑」謂：「鸚鵡螺常脫殼而朝遊，出則有虫如蜘蛛入其殼，戴以行；夕

返，則此虫出」；庾闕所云：「鸚鵡外遊，寄居負殼」者也。臺地呼「寄生」^{使送}。

鬼蠚：狀如傀儡。孫元衡有詩云：「家在螺山蜃氣開，鯨潮初起幾帆來，虎蕉^{若有}鬼蠚紛無數，就裏難

求蛤蚌胎」^上。

叁、「光緒臺灣通志」所載之動物紀錄

據光緒二十一年^{公元一八八九年}三月、由薛紹元等纂輯成稿之「臺灣通志」^{通稱光緒臺灣通志}卷二物產中，亦列

有鳥獸、蟲魚二類。所舉名目，頗爲詳盡。蓋廣集歷代所修府縣廳志及各種文獻紀錄中有關動物之資料而輯成者。茲引錄於次，以見其況：

鳥獸類：

鳩；卽斑鳩，與內地異色，青黑者曰斑鳩甲；項下赤色者曰火鳩。又有一種身綠，嘴、足皆紅者，曰金鳩；惟淡水出^{通志}。臺有土鳩、白鳩；土鳩青黑色，間雜以白，俗名斑甲。金鳩

一名金佳諸羅縣志。又有白鳩、綠鳩鳳山縣志。白鳩毛如雪，知氣候，其名應更，來自咬啣吧諸羅縣志。

金鳩產自深山，白鳩或呼為洋鴿淡水縣志。白鳩每交一時即鳴彰化縣志。

畫眉：似鶯而小，黃黑色，好鬥善鳴，清圓可聽，與內地相類，但眉無白者諸羅縣志。按：「越筆記」云：畫眉又名

黃眉。粵志：謂：眉長而不亂者，善鳴；毛短者，善鬥。高誘詩云：「春色漸山隨不得，刺桐花裏畫眉啼。」此地多刺桐花，宜為此鳥所栖止矣。

鷹：一如爽鳩，北路有極大者，名曰板雄諸羅縣志。眼圓性猛，雄者形小，鷓者體大彰化縣志。

鷓：「通志」按即指「鷓」建通志；大如鷹，蒼黑色，尾稍短，善擊鳥諸羅縣志。

烏鶯：身黑尾長，較小於鷹，能搏鷹、鷓、鷯諸惡鳥同上。時集田間牛背上彰化縣志。形如八哥，道

體黑，喙如錐，尾長飛疾，鳴如黃鶯，善作百鳥聲，能知更遞喚，惡鳥不敢近淡水縣志。

鷓：萬畢術曰：一名塞阜，斷舌可使言語，南唐李煜謂之八哥諸羅縣志。鷓鷃即八哥彰化縣志。斷其舌

尖，畜久能為人言鳳山縣志。似鴉而有憤彰化縣志。八哥，俗呼鷓鷃；又有海八哥，黑身、紅頂、綠

足，一名田鷄烏鬚，鷓鳥也，能搏羽族淡水縣志。

翡翠：「爾雅」：鷓者，俗名釣魚翁，善捕魚，名魚虎，亦名魚師。「埤雅」：前為翡，後為

翠。「異物志」：雄赤為翡，雌青為翠；人取其羽毛為飾諸羅縣志。嘗宿水道，伺魚而食之

翠。按：「鷓文類聚」引「爾雅」曰：翡色赤，翠色青，亦以色別翡翠也。又「南越筆記」云：翠羽點婦人首飾，色最鮮明，俗稱翡翠。此與「諸羅志」所云取其羽毛為飾，同也。

雉：「書」曰：華蟲。「禮」曰：裋衣畫雉。漢避呂后諱，改名野雞。雄者有冠，尾長，身五

彩具，其羽為翟。臺產尾不踰尺諸羅縣志。其飛若矢，一往而墜。「月令」：仲冬，雉始雊，

謂陽動則鳴而勾其頸也彰化縣志。俗呼山雞淡水縣志。

鳥：「爾雅翼」：純黑而反哺者謂之慈鳥；腹白不反哺者謂之鴉。「禽經」：朝鴉鳴，則小雨

諸羅縣志。烏鴉，一名老鴉，似慈鳥而大，嘴腹下白，亦名鸞。彰化縣志。

鵲鶴：水鳥。郭璞「注」：鵲屬也；飛則鳴，行即搖。陸璣「疏」：大如鷓鴣，長脚、長尾、

尖喙，背上青赤色，腹下白，頸下黑，如連錢；故人謂之連錢，一名雪姑。諸羅縣志。

鶴：「格物論」：水鳥；一名負金，一名背籠，一名旱羣。狀類鶴而無朱頂，善飛搏，巢必喬

木之高枝。「禽經」：鶴生三子，其一為鶴。羣無鶴。

鶩：毛潔白，頂有絲毳，毳長尺餘，青脚喜翹，高不滿二尺，翔集必舞而後下。同上。

一名絲禽，一名雪客；林棲水食，羣飛成序。彰化縣志。即白鶩鸞也。略略縣志。俗呼白頭絲。淡水縣志。目

感而受胎。澎湖縣志。

白鵝：「格物總論」：白質黑章，尾二、三尺，嘴、爪純丹。「爾雅」所謂雜雉，郭「注」江

東呼為白鵝是也。亦有青者、黑者，皆不如凡鳥。諸羅縣志。有黑鵝一種。「諸羅志」謂有青者、黑者皆是。「本草

綱目云：「爾雅」白雉名鵝，南人呼鵝如鵝，則鵝鵝之轉，鵝鵝同一字也。

黃鶩：一名黃鸞，或謂黃栗留，一名倉庚，其音圓滑善嘯，方春後即鳴。同上。一名黃鳥，一名鷺

黃，又名金衣公子，毛色黃。彰化縣志。倉庚，「爾雅」作商庚。略略縣志。

燕：「爾雅」謂之乙；「詩」謂之元鳥。「禮記」仲春元鳥至，祠於高榑。諸羅縣志。春社來，秋社

去。彰化縣志。四時皆有，或隨洋船自咬嚼吧來，一年一度，每十月見之。淡水縣志。

鷓：水鳥，又名鷺。「南越記」：隨潮上下，以三月風至，乃還洲嶼，頗知風雲。諸羅縣志。「禽經

一：鷓，信鳥也。鷓鴣屬。鷓志。

布穀：「爾雅」：鳩鳩鵲鵲。郭「注」：今布穀也。「爾雅翼」：此鳥鳴時，布種其穀；似鷓長

尾，牝牡飛鳴，翼相摩拂。「月令」：鳴鳩拂其羽是也。諸羅縣志。俗謂催耕鳥。鳳山縣志。「本草別

錄」：布穀，亦曰穀，亦曰穀公；北人名撥穀。「戒菴漫筆」：鳥當四、五月插秧時，自

呼其名，如云：看鷺看火。還稱爲看鷺看火鳥，亦稱郭公鳥。鳳場屬。鳳場屬。其聲以促耕作，故謂之催耕鳥。

一名樓穀，一名紫穀，皆聲之轉也。

長尾三娘：鷓之屬，色青，光彩照人；嘴朱紅，足紫，尾長尺許，或呼爲娃鳥，疑卽所謂青鷓

也。諸羅縣志。一名練雀。鳳場屬。鳳場屬。「禽經」：俗名綬帶鳥，又名拖白練。鳳場屬。鳳場屬。朱喙翼翼，產深山中

臺灣縣志。

白頭翁：似雀而大，頭有白點。

伯勞：「爾雅」謂之鵙，亦曰博勞；「左傳」謂之伯趙。同。彰化縣志。惡聲之鳥。彰化縣志。禽臆獸而草表。「

注」：臆獸，伯勞也。鳳場屬。鳳場屬。謹案：伯勞一作博勞，伯博變聲字，伯勞以夏至鳴，應陰氣而動；除主蕭殺，故爲惡聲之鳥。

鳧：「爾雅注」：似鴨而小，背上有紋。陸璣云：卑脚短喙，鳥之謹厚者。俗呼爲水鴨。諸羅縣志。

不可與胡桃、木耳、豆豉並食。彰化縣志。水鴨喙頸似鳧，脚短而小，水中能飛。鳳場屬。鳳場屬。謹案：「諸羅縣志」謂：

鳧，俗呼水鴨，是與水鴨爲一物也。「鳳場屬志」分別爲二，非

爲鳧：喙、趾似鳧而文綵灼爛；雄曰鳧，雌曰鳧，止相偶，飛則雙，其交不再。諸羅縣志。

鷓鷯：俗呼錦鷓鷯。鳳山縣志。

竹鷄：「圖經」：其狀如雉，形小尾短。「通志」：俗呼泥滑滑，蓋以聲似之也；白蟻聞其聲

卽化爲水。一名越鳥，好食蟻諸羅縣志。狀如雌雉，尾短鳳山縣志。居竹林，褐色多斑赤文；火炭

燒紅置地中，彼一一啄不能傷彰化縣志。俗以其聲，能除白蟻淡水縣志。諸案：「本草綱目」云：竹雞，川、廣

多斑赤文；諸曰：家有竹雞啼，白蟻化爲泥。蓋好食蟻也；亦陸豐縣志。前人呼爲泥滑，因其聲也。此說卽爲「私志」所本。

番葦：形似燕，背淡黑色，腹下色黃，尾長；飛則鳴，行則搖，類於鶺鴒諸羅縣志。葦仔，又名番

葦淡水縣志。

華雀：似雀而小，紫色，唧唧善吟；置籠中，能自來去；性畏暑，遇夏輒死諸羅縣志。

雀：曹植「賦」：頭如顆蒜，目如髮椒，躍而步。「古今注」：一名嘉賓，言宿齋瓦，馴近階

除，如賓客也諸羅縣志。棲宿齋瓦之上，馴近階除之際，故曰瓦雀、曰賓雀彰化縣志。麻雀卽瓦雀澎湖縣志。

叫天鳥：俗呼山麻雀，形略大，飛則向天而鳴同。

海雞母：黑色、脚綠，如母雞大，宿海嶼中，故名。骨脆而味甚美諸羅縣志。

海鵝：俗名布袋鵝，色如家畜，伸頸高可及肩；常於海濱獵魚，避風則入；翎可爲箭羽同。卽

野鶩，羽可爲箭翎；俗呼海南鵝澎湖縣志。諸案：海鵝名海鵝，「南越筆記」云：釣鵝即鵝，一名迷河，臨江入湖之水流

鷓鴣：「通志」謂之鷓鴣。「爾雅」：桃蟲鷓，其鷓鴣也。陸璣曰：似黃雀而小，喙刺如錐，

取茅爲巢，以麻紮之，如刺絨襪，故一名獲雀，一名巧婦，一名女匠；土番出草，聞其聲

則返諸羅縣志。卽「詩」所謂桃蟲鳳山縣志。一名蒙鳩，生蒿木之間，居藩籬之上，狀如黃雀而小

，灰色有斑，聲如吹噓，窠如雞卵。彰化縣志。「本草」云：俗名黃豆。噶瑪蘭廳志

鳶：鷓類。「爾雅」：其飛也翔，俗謂能嘶風。「禽經」：朝鳶鳴，則大風。「格物論」：能

捕魚。臺則並搏小雞鴨食之。諸羅縣志。俗名厲，鵝屬也。鳳山縣志。

食蛇鳥：黃褐色，頸細而長，高脚，性嗜蛇，大倍於鷺。諸羅縣志。鶴鶴，俗呼食蛇魚。鳳山縣志。

鴝鵒：又名鴝鵒，怪鳥；大如鷹，頭目如貓，有毛角兩耳；晝伏夜出；鳴則鴝鵒相喚，聲若老

人。「莊子」：鴝鵒夜撮蚤虱，察毫末，晝則瞑目而不見丘山，是也。諸羅縣志。鴝鵒即鴝鵒。臺灣府志

。狀如母雞，有斑文，俗呼為孤黃。子成，父母俱遭其食；不孝鳥也。彰化縣志。貓頭鳥。「雜

俎」云：即梟也。噶瑪蘭廳志。

鬼車：俗名九頭鳥。臺灣府志

四眉鳥：略如畫眉，有二白紋。鳳山縣志。

彩囊：似雞而小，項上有五彩囊。

五鳴雞：大如鶴，項白，每漏下一鼓，則一鳴。

鶴鶉：窺伏淺草，隨地而安。謹案：「鳳山志」別列「煙春」一條，注云：羽赤、尾短、背門，此即鶴鶉也。鶴鶉與煙春音同而字異，乃分爲二物，誤矣！今不錄。

雷舞：蒼赤色，聞雷則舞。

倒掛鳥：似鸚鵡而小。俱同足短爪長，種出東洋、呂宋。淡水廳志。謹案：「嶺南雜記」云：倒掛，形如鸚鵡而小，遍身綠色；尾兩翼俱有大紅；雌者止尾處有紅；夜則倒

掛籠中，或止以一爪挂籠。性畏寒，不能渡嶺。據此，則嶺南亦有倒掛鳥，非僅出白東洋、呂宋云。

甘蔗鳥：類鸚鵡。鳳山縣志。

厝頭烏：紫黑色，多宿厝頭。

芒丹鳥：似華雀，形小，色黃。

火雞：出僂偏山，食火炭俱同。狀如雞而頸長，能食火，自洋船購來

淡本。謹案：「嶺南雜記」云：火雞毛黑，銜髯下垂，高二、

三尺，能食火炭。又廣東「廉州府志」云：火雞色紅，嘴翅黑，存夜先雞而鳴。則火雞不儘來自外洋矣。

鴛：俗呼密婆

澎湖志

土鷓鴣：長喙，善沒水取魚，入喉即爛。蘭地間有之，而不用以摸魚

鷓鴣蘭志

鴿：俗云粉鳥，梵言迦遁；能認主家。張曲江謂之飛奴；取其能繫足傳書也。蘇東坡謂之雪衣

，愛其羽白如雪也。蘭硬枋一帶散生甚多

同上

。粉鴿善飛；朱鴿毛紅鮮紅，亦佳種也

澎湖志

番鴨：似鴨而大，毛有小采，嘴、脚朱色；肉粗味減，來自外洋

鴨馬蘭志

。廬鴨：鷓鴣交番鴨而生

鳳山志

。有正番、土番，大如鵝，足微細，兩頰紅如雞冠；雄者色更赤

深水志

天鵝、烏鬚鳥

見福建通志

鷓鴣

見鳳山志

。五色鳥

見臺灣志

。雁、番咬鴿

見淡水志

。百舌鳥、海燕

見澎湖志

。俱無注。

尋常雞、鴨、鵝等類，今不錄取。

——以上羽之屬。

(附考)

長尾三娘：朱喙、翠翼、褐背，彩耀相間，尾長盈尺。臺人因而名之。生於諸羅深山中，罕有見者

臺灣米風圖

白鳩：每當風雨，舞翅盤旋，霜衣雪襟，可爲近玩。或呼爲洋鴿，云自咬嚼吧來者。初開臺時，一雙不下

二十金；近飼養將雛者多，價不及十分之一。據林。白鳩能知氣候，每交一時，即是連鳴數聲。古語。白

鳩周身如雪，皎然可愛，能知氣候，每交一更，輒鳴數聲，真慧禽也。禮記

綠鳩：紺嘴、碧毛、豔深鸚鵡；惟不善鳴，遜白鳩。志略

海鷗：俗名南風鷗，又名布袋鷗；恆於海濱獵魚。又海鷗比家鷗較大，色黑、髯綠，宿海嶼中，取而烹食

，骨脆，味甚美。禮記

烏鶯：似八哥，而通體皆黑，喙如錐，尾長，飛最疾，鳴如黃鶯，善作百鳥聲，則隨更遞換。能搏鷓鴣，

遇諸惡鳥飛空中，則竄啄其胸脇。鷹鷂飛較遲，爪不能及，負痛飛鳴而去。宿處惡鳥不敢近。禮記

五鳴雞：大如鷓鴣，項白，每漏下一鼓則一鳴。又潮雞，潮上輒鳴。禮記

五色鳥：出柑仔潭，大小不一，數十為羣，啾啾互答，巧轉如戲。東游草

占八哥、白畫眉：亦未見；或云：鹽水港、統領埤、加多樹大數圍，其上每年生白八哥，相近居民伺其將

雛，攫而飼之。使棧

海燕：與中土無別，而營巢少異。又一種似燕，背淡黑色，腹下黃色，尾長，飛則鳴，行則搖，曰番燕

禮記

番鴨：大如鴉，足微細，兩頰紅如雞冠。雌者色更赤，蓄之常飛去；人每載入內地，然從從嗷嗷，無足充

玩。臺海采。番鴨、大如舒鳧，翎彩微異，嘴跡皆赤色，味殊遜之。禮記

鸕鷀：俗呼食蛇鳥，狀似鷓，略小而短尾，周身毛羽淡紅色；專食蛇虺，知探蛇穴，以嘴啄洞口，令其出

；或口銜而飛空中，頭尾皆動。臺海采

倒掛鳥：似鷓鴣而小，翎羽鮮明，紅綠相間，緣枝循行，喙如鈎，足短爪長；性好倒掛，夜睡亦然。種出

東洋、呂宋。同上

內地鷓鴣鳥：毛羽黑白相間；臺地則為淡黃淺綠色。斑鳩有純白者。雞有大如拳，重不逾八、九兩者；身

輕能飛（小琉球）

喜鵲：海外無之。蔣太守元樞自內地捕雌雄縱林木中，今孳育，郡城多見；南北路則無。「海東札記」謂：所縱鵲，逾年無一存者。殊不然（臺灣縣志）。

豹：「說文」：豹似虎；鬣文黃紋，黑如錢，比比相對，圈中五圈左右各四者曰金錢豹；宜為

裘。紋如艾葉者，曰艾葉豹；臺謂之烏雲豹。土產者稍大於犬，而無所害於人，或名之獐

虎（諸羅縣志）。金錢豹色類雲豹，而黑點較黃（福建通志）。石豹，臺山無虎，此別有一種（淡水廳志）。

鹿：「埤雅」：鹿性決躁。又曰性警，分背而食；食則相呼，羣居則環角外向，以防物之害已

。 「爾雅翼」：鹿，陽獸，游山，夏至得陰氣而解角，從陽退之象（諸羅縣志）。近海者多鯊魚所

化（淡水廳志）。

麋：鹿之大者。「左傳」：澤有介麋。「爾雅翼」：麋，陰獸，游澤，冬至得陽每而解角，從

陰退之象（諸羅縣志）。性淫迷（彰化縣志）。

麂：似鹿而小，無角，性悍而善跳。「埤雅」：麂性膽怯，飲水見影輒奔。崔豹「古今注」：

鹿有角而不能觸，麂有牙而不能噬（諸羅縣志）。麂即麂（彰化縣志）。

麇：麇類也，有角而短細（鳳山縣志）。「本草綱目」：麇即古麇字；麇，似獐而小。按「爾雅」云：

麇大麇，麇即麇也。似麇大於麇矣，「本草」為是（鳳山縣志）。連字：邵氏「爾雅」正義云：其大者大於獐，然小於獐者特多；四鹿固有大于麇者。「爾雅」所

云：自屬可據。「噶瑪蘭廳志」以「本草」為疑，但見麇之小者耳。

熊：「埤雅」：熊似豕，掌心有白脂如玉，味甚美，俗呼熊白。好舉木而引氣；冬熱不食，饑

docsriver 文川网
入驻商家 古籍书城

在文川网搜索古籍书城 获取更多电子书

則自毳其掌，故美在掌

諸羅縣志

。種類不一

以山縣志

有人、馬、豬、狗諸種，各肖其形，出於深山

臨瀛縣志

。毛勁厚而密，矢鏃不能入；蹄有利爪，緣木能升高，或穴地而處

淡水縣志

類：蔡邕「月令章句」：獺，毛蟲，西方白虎之屬，水居殺魚者也。「埤雅」：似狐而小，青

黑色，膚如伏翼。「月令」：正月獺祭魚

諸羅縣志

。毛黑而潤

鳳山縣志

。一名水狗，水居食魚，知

水性，能為穴。又有一種山居者，名旱獺

臨瀛縣志

猴：形似人而多智，一名狙，一名猢猻。「爾雅」曰：猿，母猴。內山一種極小，名金絲猴

前羅縣志

。長臂善嘯，便攀援

彰化縣志

。近崙嶺一帶尤多

臨瀛縣志

。三貂嶺及內山甚多

淡水縣志

兔：「埤雅」：兔，吐也，生子從口中吐出，視月而孕，目尤隙，故「禮」稱兔為明視

前羅縣志

每孕一月而生

彰化縣志

野豬：「通志」：似家豬而腹小，脚長，毛色褐，牙利如鎌

諸羅縣志

。野兔兩耳與尾略小，毛鬣蒼

色，大者如牛；巨牙出唇外，擊木可斷；怒則以牙傷人，輒折脊穿腹；行疾如風

彰化縣志

番豬：毛多黃色，出番界

臨瀛縣志

。又有豪豬，箭如蝟毛，行有聲，能射人

淡水縣志

。云：「山海經云：『豨，身有刺，能逐射人。』是山豬，豨與野豬別為一種，以其鬃似高，故又名高豬，一名箭豬。

黃羊：水沙連、紅頭嶼出。有鬻其皮為褥者

臨瀛縣志

山羊：能陟峻，生深山中，皮堪作鞵

彰化縣志

山兕：形如水牛，即野牛也

彰化縣志

。南嶽山內多野牛，千百成羣

淡水縣志

。謹按：「南越筆記」云：山牛兩城紅，百十成羣，見人弗避。此所云山牛

即野牛也

山貓：取其毛以束筆，微短而軟。以田。產自深山。鴨鴨。亦名筆貓。淡水。

石虎：山坑中有形如貓，皮五色，性不咬人，皮可為褥。通志。

果子貓：食物。「本草」：貓有白面者，名玉面；善食百果，又名果狸。「廣韻」：狸，野貓

也。鴨鴨。

山鼠：「通志」名山獍。土人捕獲，以蔗梗填腹，去毛，炙黃，合猪肉煮食，味香美。鴨鴨。

竹鼯：一名管猿。同。鴨鴨：竹鼯即竹鼠也。「五土御覽」引「交州記」曰：竹鼠如小狗，上。下食竹根。此地此鼠甚多，食食竹葉，亦名竹純，性受伏，與鼠同。

飛鼠：「爾雅」：鼯鼠夷田。郭璞「注」：似蝙蝠，肉翅，飛且乳，一名飛生。鴨鴨。尾大而長

，生在山林。淡水。

碰尾鼠：形似鼠而尾特長，其毛且鬆而大，俗以毛鬆大為碰尾也。鴨鴨。尾長毛鬆，或著籠中，

飼以果實。淡水。

騾驢 見鴨、七子貓 見鴨、番鼠、山狗、白鼻貓 見淡水。俱無注。

尋常牛、馬、猪、羊、狗、貓鼠等類，今不錄。

——以上毛之屬。

(附 考)

臺山無虎，故鹿最繁，昔年近山皆為土番鹿場。今漢人墾種，極目良田，遂多於內山捕獵。角尾單蹄，絕不似關東之濯濯。角百對，只可煎膠二十餘觔。鹿雖多，街市求一樽不得。冬春時，社番截成方塊，重可觔餘，皆由鹽漬，運致府治，色黑味變，不堪下箸，而值亦不輕。使稿。